

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), člana 32. i 53. Zakona o izvršenju Budžeta za 2019. godinu („Službene novine Zeničko-dobojskog kantona“, broj: 3/19), a u skladu sa Programom utroškom sredstava planiranih Budžetom Zeničko-dobojskog kantona za 2019. godinu u Ministarstvu za rad, socijalnu politiku i izbjeglice, broj: 02-14-8204/19 od 14.05.2019. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 24. sjednici, održanoj dana 11.10.2019. godine, d o n o s i

ODLUKU

o odobravanju sredstava za finansiranje Programa obilježavanja centralne manifestacije povodom „Dječije nedjelje“ u Zeničko-dobojskom kantonu u 2019. godini

Član 1.

(Predmet)

Odobravaju se sredstva Udruženju „Medica“ Zenica u ukupnom iznosu od 17.000,00 KM (slovima: sedamnaest hiljada konvertibilnih maraka) u svrhu finansiranja realizacije Programa obilježavanja centralne manifestacije povodom „Dječije nedjelje“ u Zeničko-dobojskom kantonu u 2019. godini, u partnerstvu sa JU Centar za djecu i odrasle osobe s posebnim potrebama Zeničko-dobojskog kantona i saradnji sa drugim ustanovama i nevladinim organizacijama.

Član 2.

(Analitička konta)

(1) Sredstva iz člana 1. ove odluke isplatit će se iz Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), sa razdjela 20-Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 614300, subanalitika KAX 003, pozicija: „Tekući transfer iz prihoda za obilježavanje Dječije nedjelje“.

(2) Sredstva iz člana 1. ove odluke uplatit će se na račun Udruženja „Medica“ Zenica, broj: 161-055-000-8240085 otvoren kod Raiffeisen banke Zenica.

Član 3.

(Provođenje odluke)

Za realizaciju ove odluke zadužuje se Ministarstvo za rad, socijalnu politiku i izbjeglice, Ministarstvo finansija, svako u okviru svojih nadležnosti.

Član 4.

(Izveštavanje)

Obavezuju se svi realizatori aktivnosti Programa obilježavanja centralne manifestacije da dostave pojedinačne narativne i finansijske izvještaje korisniku budžetskih sredstava iz člana 1. ove odluke, koji će dostaviti Ministarstvu za rad, socijalnu politiku i izbjeglice cjelovit narativni i finansijski izvještaj o namjenskom utrošku sredstava najkasnije do 31.12.2019. godine.

Član 5.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-14-15402/19

Datum, 11.10.2019. godine.

Z e n i c a

PREMIJER

Mirza Ganić

DOSTAVLJENO:

1x Ministarstvo za rad, socijalnu politiku i izbjeglice,
1x Ministarstvo finansija,
1x Udruženje „Medica“ Zenica (putem Ministarstva),
1x JU Centar za djecu i odrasle osobe s posebnim potrebama
Zeničko-dobojskog kantona (putem Ministarstva),
1x „Službene novine Zeničko-dobojskog kantona“,
1x a/a.